

醫學綱目




中華民國二十六年四月初版

醫學綱目（全四冊）

實價國幣三元

（外埠酌加運費匯費）



編纂者 樓全善

發行者 陸高誼

世界書局有限公司代表人

出版者 上海大連海路
世界書局

發行所 上海及各省 世界書局

本書負責校對者何衡孫

庫本樣

大法

醫學綱目卷之二十一 脾胃門

內傷飲食 胎前傷食 百病皆生於痰

〔垣〕飲食傷論 陰陽應象論云。水穀之寒熱。感則害人。六腑痺論云。陰氣者靜則神藏。躁則消亡。飲食自倍。腸胃乃傷。此乃言之也。分之爲二。飲也食也。飲者水也。無形之氣也。因而大飲。則形寒。飲冷則傷肺。肺病則爲喘咳。爲腫。爲水瀉。輕則當發汗。利小便。使上下分消其濕。解醒湯。五苓散。生薑半夏枳實白朮之類是也。如重者畜積爲滿者。荒花大戟甘遂牽牛之屬利下之。此其法也。食者穀也。有形之血也。如生氣通天論云。因而飽食。筋脈橫解。腸胃爲之不和。云。食傷太陰厥陰。寸口大於人迎兩倍三倍者。或嘔吐或泄瀉。或下痢腸辟。當分寒熱輕重治之。輕則內消。重則除下。如傷寒物者。半夏神麴乾薑三稜廣茂巴豆之類主之。如傷熱物者。枳實白朮青皮陳皮麥蘗黃連大黃之類主之。亦有宜吐者。陰陽應象論云。在上者因而越之。瓜蒂散之屬主之。然而不可過劑。過則反傷腸胃。蓋先因飲食自傷。又加之。以藥過。故腸胃復傷而氣不能化。食愈難消矣。漸至羸困。故五常正大論云。大毒治病。十去其六。小毒治病。十去其七。常毒治病。十去其八。無毒治病。十去其九。不可過之。此聖人之深戒也。

經者
內消

傷飲

〔丹〕傷食惡食者。胃中有物。導痰補脾。二陳湯。加白朮。山查。川芎。蒼朮。

〔垣〕五苓散。治煩渴。飲水過多。或水入即吐。心中澹澹。停濕在內。小便不利。

肉桂兩一

猪苓

茯苓

白朮各一兩
五錢

澤瀉二兩
五錢

右爲細末。每服二錢。熱湯調下。不拘時候服訖。多飲熱湯。取汗出。愈。治傷冷飲者。煎五苓散。送半夏枳朮丸。治傷飲不惡寒。胸中微覺夯悶。身重。飲食不化者。或小便不利者。五苓散去桂。依前斟酌服之。如瘧熱在裏。身發黃疸。食前濃煎茵陳湯調服。愈。除濕散。治傷馬牛乳酪。及冰水一切冷物。

半夏湯泡
三錢

車前子炒五
錢

甘草炙二
錢

紅花二錢

茯苓七錢

乾薑三錢

澤瀉半兩

右爲細末。每服三錢。食前白湯調下。

〔丹〕導飲丸。治水飲。

吳茱萸三錢

白茯苓一兩

黃連五錢

蒼朮一兩

獨活七錢

右爲細末。神麴糊丸服。

〔丹〕某萸丸治飲用六一散一料加吳萸一兩水丸服。

〔垣〕酒者大熱有毒氣味俱陽乃無形之物也。若傷之止當發散汗出則愈矣。其次莫如利小便。乃上下分消其濕。今之病酒者往往服酒癰丸大熱之藥下之。又有用牽牛大黃下之者。是無形元氣受疾反下有形陰血乖誤甚矣。酒性大熱已傷元氣而復重瀉之。亦損腎水真陰。及有形血氣俱爲不足。如此則陰血愈虛真水愈弱。陽毒之熱大旺反增其陰火。是以元氣消燼折人長命。不然則虛損之病成矣。酒疸下之。久則爲黑疸。慎不可犯。宜以葛花解醒湯主之。

〔海〕治酒病宜發汗。若利小便。炎熾不肯下行。故曰火鬱則發之。以辛溫散之。是從其體性也。是知利小便則濕去熱不去。若動大便。尤爲疎陋。蓋大便秘者有形質之物。酒者無形之水。從汗而發之。是爲近理。濕熱俱去。故治以苦溫發其火也。佐以苦寒除其濕也。

〔垣〕葛花解醒湯治飲酒太過嘔吐痰逆心神煩亂胸膈痞塞手足戰搖飲食減少小便不利。

青皮三分

木香五分

橘紅五分

人參

猪苓

白茯苓各一錢

神麴炒

澤瀉

乾薑

白朮各二錢

白芷

葛花

砂仁各五錢

右爲細末。每服三錢。白湯調下。但得微汗。則酒病去矣。此蓋不得已而用之。豈可恃此酣飲成病。自損元氣。惟病酒者宜之。

〔聖〕治酒醉不醒。用菴菜子二合。研細。井水調服。

〔丹〕烏梅丸。治酒毒化痰消食。

烏梅一斤

半夏各八兩

生薑二兩

右搗爲細末。以新瓦兩片夾定。火焙三晝夜爲度。次入神麴麥芽陳皮青皮蓬朮枳殼丁皮大腹子各四兩。糊丸。每服四五十丸。薑湯下。

〔世〕烏梅丸。治酒積神效。方見續增門

〔潔〕百杯丸。治酒停胸中。膈氣痞滿。面色黃黑。將成癰疾。飲食不進。日漸羸瘦。如欲飲者。先服不醉。

生薑一斤去皮切片以鹽二兩炮一宿焙乾

橘紅三兩

廣茂炮三錢

乾薑三兩

益智仁二十粒

丁香五十枚

甘草後二錢

砂仁三十二粒

三棱炮二錢

木香

茴香炮各一錢

白芷三十粒

右爲末。煉蜜丸。每一兩作五丸。硃砂爲衣。生薑湯下。細嚼無時服。〔丹〕解酒毒併熱毒。栢若本草名枳椇。北人名曰爛瓜。杭州貨賣名蜜屈律。春生秋熟。冬間經霜後取食。

〔垣〕枳朮丸。治痞積消食強胃。梅蘊云本仲景枳朮湯也今易老改為丸治老幼虛弱飲食不化或臟腑軟弱者

枳實去穢就 白朮二兩

右爲末。荷葉裹燒飯爲丸。如桐子大。每服五十丸。白朮湯下。服白朮者。本意不取其食速化。但久服令人胃氣強實。不復傷也。

麴蘖枳朮丸。治爲人強食所致。心胸滿悶不快。

神麴炒 麥蘖炒 枳實炒各一兩 白朮二兩

右爲末。荷葉燒飯爲丸。每服五十丸。

木香枳朮丸。破滯氣。消飲食。開胃進食。

木香 枳實各一兩 白朮二兩

照前法爲丸服。

又方。開胃進食。

木香錢三 人參 乾薑各一錢半 枳實一兩

白朮二兩

照前荷葉燒飯爲丸。食前白湯服三五十丸。忌飽食。

檳榔丸。消食破滯氣。

檳榔錢三 木香二錢 陳皮五錢 甘草一錢

人參錢二

右爲末。蒸餅丸。每服二三十九丸。食前白湯下。

〔羅〕木香檳榔丸。疎三焦。寬胸膈。破痰飲。快氣潤腸。

神麴

皂角

去皮
酥炙

郁李仁

去皮各
一兩

杏仁

去皮
尖炒

木香

檳榔

青皮

去白

枳殼

一兩
熟炒各

右爲末。再用皂角四兩。水一碗。浸一日。揉膏入熟蜜少許爲丸。桐

子大。每服五十丸。淡薑湯下。

〔丹〕保和丸。治食積酒積。

山查肉

一兩

半夏

製薑

蘿蔔子

炒各
五錢

神麴

三錢

麥芽

三錢
炒

黃連

炒半
兩

陳皮

半兩

右爲末。酒糊丸服。或用神麴糊爲丸尤妙。

大安丸。脾經消導之劑。虛者宜斟酌用之。

山查

二兩

神麴

炒

半夏

製

茯苓

各一
兩

陳皮

五錢

白朮

二兩

連翹

五錢

蘿蔔子

炒半
兩

右爲末。神麴糊丸服。一方無白朮。

三黃枳朮丸。治傷肉食濕麴辛辣厚味之物。填塞悶亂。胸膈不快。

黃芩

二兩

黃連

酒炒

大黃

煨

神麴

炒

白朮

陳皮

各一
兩

右爲末。湯浸蒸餅爲丸。如菴荳大。每服五十丸。白湯下。

〔垣〕除濕益氣丸。治傷濕。心腹滿悶。肢體沉重。

枳實妙

白朮

黃芩生

神麴炒各一兩

紅花分三

蘿蔔子炒熟牛兩

右爲末。荷葉飯丸。每服五十丸。白湯下。

上二黃丸。治傷熱食痞悶。兀兀欲吐。煩亂不安。

黃芩二兩

黃連酒洗一兩

升麻

柴胡各三錢

甘草二錢

枳實炒牛兩

右爲末。湯浸蒸餅丸。每服六七十丸。白湯下。

枳朮導滯丸。治傷濕熱之物。不得旋化而作痞滿。悶亂不安。

黃芩

茯苓

白朮

黃連各一錢

澤瀉二錢

枳實妙

神麴炒各五錢

大黃一兩

右爲末。湯浸蒸餅爲丸。白湯下五七十丸。

白朮丸。治傷荳粉濕麪油膩之物。

白朮一兩

半夏製一兩

橘紅七錢

神麴妙

枳實妙各一兩

黃芩牛兩

枯白礬三分

右爲末。湯浸蒸餅爲丸。量所傷多少加減服之。如素食多用乾薑。

故以黃芩瀉之。

〔梅〕食狗肉不消。心下堅或腹脹。口乾發熱妄語。煮蘆根汁飲之。

〔千〕食魚膾及生肉在胸膈不化。必成癥瘕。搗馬鞭草汁飲之。飲生薑水亦易消。

〔垣〕半夏枳朮丸。治因冷食內傷。一方有澤瀉一兩。有小便淋故也。

半夏薑製二兩

枳實炒一兩

白朮一兩

右爲末。荷葉飯爲丸。如傷食寒熱不調。每服加上二黃丸十九。白湯下。

木香乾薑枳朮丸。破滯氣。消寒飲食。

木香錢三

乾薑炮五錢

枳實炒一兩

白朮一兩半

右爲末。荷葉飯爲丸。食前白湯服四五十丸。

丁香爛飯丸。治食傷太陰。又治卒心胃痛。

丁香錢一

丁香錢三

甘草炙一錢

甘松海

砂仁

益智仁各三錢

三稜炮一錢

廣茂炮一錢

香附錢五

木香錢一

右爲末。湯浸蒸餅爲末。白湯服。或細嚼亦可。

〔丹〕小胃丹

芫花

好醋拌勻。過一宿。於瓦器內。不住手攪炒。令黑。不令焦。

甘遂

濕麴裏長流水浸洗。曬乾。一云水浸。冬七日。春秋五日。或用水煮。亦可。

大戟

水煮一時洗。曬乾。各半兩。

大黃

濕紙裏。煨勿焦。切焙乾。再以酒潤。炒熟。焙乾。一兩半。

黃栢

炒三兩。

重者
除下
傷飲

右爲末。以白朮膏丸。如蘿蔔子大。臨臥津液吞下。或白湯送下。取其膈上濕痰熱積。以意消息之。欲利空心服。一方加木香枳實各半兩。蒸餅丸。每服七八十丸。

巴豆去油二粒

烏梅二粒

丁香三粒

胡椒五粒

右爲末。入飯同杵二三千下。爲丸如桐子大。細嚼。丁香湯下五七丸。小兒一丸。

〔仲〕備急丸。治尺寸俱盛。填塞悶亂。方見辛中門

〔垣〕蠲飲枳實丸。逐飲消痰。導氣清膈。

枳實熟炒

半夏製

橘紅各二兩

黑丑取頭末三錢

右爲末。水煮麵糊爲丸。每服五十丸。食後生薑湯下。

如所傷飲食在胸腹間。兀兀欲吐。返覆悶亂。以物探吐之。甚者用瓜蒂散。

〔仲〕人病有宿食。何以別之。曰脈浮而大。按之反瀉。尺中亦微而瀉。故知有宿食。用大承氣湯下之。方見傷寒

下之愈。宜大承氣湯。下痢不飲食者。宿食也。亦宜大承氣湯下之。

脈緊如轉索無常者。有宿食也。脈經云寸口脈緊胸中有宿食不化

〔藏〕金露丸。治內傷心痞。氣不升降。水穀不消。

大黃一兩

枳實炒五錢

桔梗二兩

牽牛二錢五分

右爲末。荷葉飯爲丸。白湯下三五十丸。食後常服減半。一方薑

〔垣〕木香見曉丸。治傷生冷硬物。心腹滿悶疼痛。

巴荳霜錢五分

京三稜錢七

神麴炒

石三稜去皮鹽各一兩

木香錢二

香附兩半

升麻錢三

荳蔻煨熟取

柴胡錢三

右爲末。湯浸炊餅爲丸。如荳荳大。每服一二十丸。白湯送下。

三稜消積丸。治傷生冷硬物。不能消化。心腹滿悶。

京三稜錢七

廣茂錢七

青皮

陳皮各五錢

丁香

益智各五錢

神麴炒三錢

茴香炒半兩

巴荳和米皮炒焦去米

右爲末。醋麴糊爲丸。如桐子大。每服十丸至二十丸。溫薑湯下。食前服。量虛實加減。得更衣止後服。

感應丸。治中虛積冷。氣弱有傷。停積胃脘。不能傳化。或因氣傷冷。或因飢飽傷食。飲酒過多。心下堅滿。兩脇脹痛。心腹大痛。霍亂吐瀉。大便頻數。後重遲澁。久痢赤白。膿血相雜。米穀不化。愈而復發。又治中酒嘔吐。痰逆惡心。喜睡頭旋。胸膈痞滿。四肢倦怠。不思飲食。不拘新舊冷積。並皆治之。

木香

肉荳蔻

丁香各一兩半

乾薑炮一兩

巴荳 七十箇去支心膜研出油

杏仁 一百四十粒湯泡去皮尖研

百草霜 二兩

右前四味爲末。外入百草霜研。與巴荳杏仁七味同和勻。用好蠟六兩溶化成汁。以重絹濾去渣。更以好酒一升。於銀石器內煮蠟數沸。傾出。候酒冷。其蠟自浮於上。取蠟秤用丸。春夏修合。用清油一兩。銚內熬令香熟。次下酒煮蠟同化成汁。就銚內乘熱拌和前項藥末。秋冬修合。用清油一兩半同煎。煮熟成汁。和置藥末成劑。分作小錠子。油紙裹放。旋丸服之。每三十丸。空心薑湯下。神應丸。治一切冷物冷水及乳酪傷。小腹痛。腸鳴。米穀不化。

巴荳

杏仁

乾薑

百草霜 各半兩

丁香

木香 各二錢

黃蠟 二兩

右先將黃蠟用好醋煮去渣穢。將巴荳杏仁同炒黑烟盡。研如泥。春夏入香油半兩。秋冬入錢。溶開。下杏仁巴荳攪勻。次下木香丁香等末研勻。搓作錠子。油紙裹旋丸。桐子大。每米飲下三五十丸。食前日三服。大有效。

雄黃聖餅子

巴荳 一百枚去油膜

雄黃 半兩

白麴 十兩炒又羅細

右三味。內除白麴。餘同爲細末。共麴和勻。用新水攪和。做餅如手

大以水再煮。浮於湯上。看硬軟捏作餅子。每服五七餅。加至十餅十五餅。嚼食一餅利一行。二餅利二行。食前茶酒任下。

〔潔〕人之生也。由五穀之精。化五味之備。故能生形。經曰。味歸形。若傷於味。亦能損形。今飲食過節。以致腸胃不能勝。氣不及化。故傷焉。經云。壯火食氣。氣食少火。壯火散氣。少火生氣。又云。飲食自倍。腸胃乃傷。以失四時之調節。故能成病。脈在氣口。經曰。氣口脈盛傷於食。心胃滿而口無味。口與氣口同。口曰坤者。口乃脾之候。故胃傷而氣口緊盛。夫傷有多少。有輕重。如氣口一盛。得脈六至。則傷於厥陰。乃傷之輕也。枳朮丸之類主之。氣口二盛。脈得七至。則傷於少陰。乃傷之重也。雄黃聖餅子。木香檳榔丸。枳殼丸之類主之。氣口三盛。脈得八至九至。則傷太陰。填塞腸胃。則心胃大痛。備急丸神保丸消積丸之類主之。兀兀欲吐不已。俗呼食迷風是也。經曰。上部有脈。下部無脈。其人當吐。不吐者死。瓜蒂散主之。如不能吐。是無治也。經曰。其高者因而越之。此之謂也。備急下之亦可。

檳榔丸。治飲食過多。心腹脹悶。

檳榔 二錢

陳皮

牽牛 各一兩

木香 二錢

枳實 一兩

右爲末。醋糊丸。生薑湯下三四十丸。

煮黃丸。治飲食過多。心腹脹滿。脇肋走氣。痲痺刺痛如神。

雄黃研一兩

巴豆五錢去皮
心研如泥

右入白麴二兩。同研勻。滴水丸。如桐子大。滾漿水煮十二丸。濾入冷漿水內。令沉冷。每用時用浸藥冷漿下一丸。一日十二時盡十二丸。以微利爲度。不必盡劑。

〔仲〕宿食在上脘。當吐之。宜瓜蒂散。又云凡血虛者。不可吐。

〔垣〕瓜蒂散。治大滿大實。氣上衝逆。上部有脈。下部無脈。填塞悶亂者。用之。如尺寸俱盛者。宜用備急丸。

瓜蒂炒

赤小豆煮等分

右爲細末。每服二錢。溫漿水調下。取吐爲度。仲景以香豉七合。煮取汁和散一匕服之。若不至兩尺脈絕者。不宜便服。此藥恐損元氣。令人胃氣不復。若止胃中空塞。悶亂不通。以物探之。得吐則已。如探不去。方以此劑吐之。或曰盛食填塞。胸中痞亂。兩寸脈當用事。今反兩尺脈不見。其理安在。曰胃中有食。是木鬱宜達。故探吐之。食者物也。物者坤土也。是足太陰之號也。胃中者肺也。爲物所塞。肺者手太陰金也。金主殺伐。與坤土俱在于上。而旺於天。金能克木。故肝木發生之氣。伏於地下。非木鬱而何。吐去上焦陰土之物。木得舒暢。則鬱結去矣。食塞於上。脈絕於下。若不明天地之道。

無由達此至理。水火者陰陽之徵兆。天地之別名也。故獨陽不生。獨陰不長。天之用在於地下。則萬物生長。地之用在於天上。則萬物收藏。此乃天地交而萬物通也。此天地相根之道也。故陽火之根本於地下。陰水之源本於天上。故曰水出高原。故人五臟主有形之物。物者陰也。陰者水也。右三部脈主之。偏見於寸口。食塞於上。是絕五臟之源。源絕則水不下流。兩尺脈之絕。此其理也。何疑之有。然必視所傷之物。冷熱隨症加減。如傷冷物一分。熱物二分。則用寒藥二停。熱藥一停。隨時消息。經云。必先歲氣。無伐天和。此之謂也。

〔海〕秦生好服三生茶及冷物。成積而痼寒。脈非浮非沉。上下內外按舉極有力。堅而不柔。觸指突出膚表。往來不可以至數名。縱橫不可以巨細狀。此陰症鼓擊脈也。一身流行之火。萃於胸中。寒氣逼之。故搏大有力。與真武四逆理中等湯丸。佐以芍藥茴香。使不僭上。每日服百丸。夜入十九丸。至夜出汗而愈。

〔潔〕既有三陰可下之法。亦必有三陰可補之法。予故云。內傷三陰。可用溫劑。若飲冷內傷。雖云損胃。未知色脈各在何經。若面色青黑。脈浮沉不一。弦而弱者。傷在厥陰。若面色紅赤。脈浮沉不一。細而微者。傷在少陰。若面色黃潔。脈浮沉不一。緩而遲者。傷在太陰也。如

傷在厥陰肝之經。當歸四逆湯加吳茱萸生薑湯之類。主之。方見傷寒

傷在少陰腎之經。宜服通脈四逆湯。方見傷寒 傷在太陰脾之經。理中

丸湯主之。大便軟者宜湯。結者宜丸。方見傷寒

〔海〕唐臣嗜冷食。遂成陰症。脈遲七八至。一止後僅三至。予亟與溫劑數服。四五日不解。遂續進三服。一日脈生。大汗而解。

〔羅〕陰氣者。靜則神藏。躁則消亡。飲食自倍。腸胃乃傷。謂食物無食於多。貴在有節。所以保冲和而遂頤養也。若貪多務飽。飢寒難消。徒積暗傷。以召疾患。蓋食物飽甚。耗氣非一。或食不下而上湧。嘔吐以洩真元。或飲不消而作痰。咯唾以耗神水。大便頻數。而洩耗穀氣之化生。溲便滑利。而濁耗源泉之浸潤。至於精清冷而下漏。汗淋漓而外洩。莫不由食物過傷。滋味太厚。如能節滿意之食。省爽口之味。當不至於飽甚。即頓頓必無傷物。物皆爲益。津液內蓄。精華和凝。邪毒不能犯。疾疢無由作矣。

胎前傷食

〔本〕治婦人有孕傷食。宜服木香丸。

木香二錢

三棱

白茯苓

人參各三錢

右爲末。麪糊丸。每服三十丸。熱湯下。

治妊娠氣不和調。飲食少味。宜服白朮散。